



**IZVJEŠTAJ O RADU MDDC
ZA 2005.**

UVOD

Centar za obuku pasa za otkrivanje mina za region jugoistočne Europe iz godine u godinu svog postojanja i rada definira jasne ciljeve te uspoređivanjem ostvarenog i realiziranog, vrši procjenu ostvarenja rezultata. Tako se već sada može utvrditi da je u 2005. MDDC ostvario zadani plan i ispunio postavljene ciljeve kroz svoje aktivnosti obuke pasa i pratećeg osoblja, posvećene protivminskoj akciji u Bosni i Hercegovini i regionu jugoistočne Europe.

Obuka pasa bila je usmjerena uglavnom na obuku pasa za otkrivanje mina za nevladine organizacije u BiH, u sklopu ugovora sa Mashall Legacy Institutom, dok su tokom cijele deminerske sezone 2005., timovi pasa za otkrivanje mina bili angažirani na zadacima deminiranja u Albaniji i Bosni i Hercegovini, u suradnji sa brojnim domaćim i međunarodnim deminerskim organizacijama.

MDDC je u 2005. realizirao suradnju sa Global Training Academy, tako što je za potrebe tržišta, izvršio selekciju i obuku pasa za otkrivanje eksploziva za područja Afganistana, Iraka i SAD. Također je uspješno okončan ugovor sa Ministarstvom unutrašnjih poslova kantona Sarajevo selekcije i obuke pasa za potrebe policijskih jedinica kantona, dok su započeti pregovori o drugim projektima MDDC čija je realizacija predviđena za 2006.


MDDC je aktivno učestvovao i u radu SEEMACC-a i svojim prijedlozima znatno uticao na poboljšanu kvalitetu pasa za otkrivanje mina i postavljanje minimalnih standarda kvaliteta.

1. OBUKA PASA ZA OTKRIVANJE MINA

Centar za obuku pasa za otkrivanje mina za jugoistočnu Europu u 2005. je završio projekt obuke 12 timova pasa za otkrivanje mina koji je ostvaren u suradnji sa Marshall Legacy Institutom (MLI) iz SAD. Riječ je o donaciji 12 timova pasa za koje je sredstva osigurao MLI u suradnji sa različitim privatnim donatorima iz SAD-a. Projekt je realiziran posredovanjem ITF-a. Korisnici ove vrijedne donacije su četiri nevladine organizacije iz Bosne i Hercegovine; STOP MINES, BH DEMINING, PRO VITA i EKO DEM.

Kompletan proces implementacije, od selekcije vrhunskih pasa iz različitih uzgajališta u Europi, do obuke pasa i pratećeg osoblja-vodiča koji dolaze iz organizacija korisnika donacije, proveden je u MDDC.

Projekt se odvijao u dvije faze; prva faza koja obuhvata selekciju i obuku 6 pasa te obuku 6 vodiča pasa završena je u maju 2005. dok je druga faza obuke drugog paketa od 6 timova pasa završena u decembru 2005.



MDDC je tokom obuke vršio stalnu evaluaciju kvaliteta obuke pasa za otkrivanje mina i vodiča pasa, pružajući i svoje smještajne kapacitete polaznicima obuke. U novembru 2005., predstavnici Marshall Legacy Institute posjetili su prvu grupu MDD timova obučениh u MDDC koji su već bili angažirani na čišćenju minskih polja u Bosni i Hercegovini, postižući već tada značajne rezultate na terenu.

Osim same obuke, MDDC nevladinim organizacijama po potrebi pruža i smještaj za obučene pse, pomoć u pripremi testiranja i procesu akreditacije u smislu doobuke i kondicioniranja.

Obuka pasa za potrebe deminerskih organizacija u suradnji sa Marshall Legacy Institutom, u regionu JI Europe nastaviti će se i 2006. Zadovoljni realizacijom koju je pokazalo osoblje MDDC, MLI je najavio rad na sličnim projektima za potrebe ostalih zemalja u regionu.

2. OBUKA PRATEĆEG OSOBLJA-VODIČA PASA

Obuka pratećeg osoblja-vodiča pasa za otkrivanje mina, prvenstveno se odnosila na obuku vodiča iz organizacija korisnika donacije MLI. 12 vodiča pasa obučili su instruktori MDDC i to u dvije faze, u skladu sa dinamikom obuke pasa. Obuka pasa traje 6 mjeseci; 3 mjeseca se vrši obuka psa, a naredna tri mjeseca zajedno se izvodi obuka vodiča i pasa u tzv. fazi integracije u MDD tim. U toj fazi, vodiči pasa

MDDC je pružio i smještaj za osoblje koje je polazilo obuku i svih 12 timova nevladinih organizacija je uspješno integrirano. Od 12 obučениh timova pasa za otkrivanje mina obučени u prvoj fazi njih ukupno 6 akreditirano je i korišteno na zadacima deminiranja u Bosni i Hercegovini kroz cijelu deminersku sezonu u 2005.

3. OBUKA OSOBLJA MDDC

U skladu sa ugovorom sa Global Training Academy in Texasa, dva trenera-instruktor MDDC-a, u decembru je započelo s naprednom obukom u SAD-u. Ovom obukom, koja traje tri mjeseca i završava u martu 2006., MDDC će značajno poboljšati svoje kapacitete s obzirom na to da će treneri MDDC steći neophodna znanja u obuci patrolnih pasa, pasa za otkrivanje droge i eksploziva i druge vrste obuke službenih pasa.


MDDC je 2005. aktivno sudjelovao u imeplemntacijskom odboru MRE i obuci kadrova za upozoravanje na mine.

4. PROTIVMINSKE AKTIVNOSTI

U skladu sa ciljevima osnivanja Centra za obuku pasa za otkrivanje mina za jugoistočnu Europu, osnovne aktivnosti u 2005. bile su usmjerene na uklanjanje minske opasnosti u regiji. MDDC je sa 6 MDD timova podržavao aktivnosti deminiranja na zahtjev 7 domaćih i međunarodnih deminerskih organizacija na zadacima deminiranja u Bosni i Hercegovini i Albaniji. Veći dio godine, ukupno 7 mjeseci, 4 MDD tima bila su angažirana kao podrška Danish Church Aid, na deminiranju pograničnog pojasa Kosova i Albanije, dok su preostali timovi uglavnom deminersku sezonu 2005. bili angažirani u Bosni i Hercegovini. Zadaci deminiranja započeti u 2005. nastavili su se i početkom 2006. koliko su to vremenski uvjeti dozvoljavali.

Brojne deminerske organizacije s kojima je MDDC surađivao, ugovore o suradnji najavile su i za deminersku sezonu 2006.

Angažman MDD timova



5. DRUGI PROJEKTI MDDC

5.1 Obuka pasa za otkrivanje eksploziva

U 2005 godini, MDDC je suradnju sa Global Training Academy proširio i na druge vrste obuke službenih pasa. Tako je 2005. realiziran projekt obuke pasa za otkrivanje eksploziva za potrebe tržišta SAD, Afganistana i Iraka, ali i Bosne i Hercegovine.

MDDC je provodio selekciju pasa i obuku pasa za otkrivanje eksploziva u suradnji sa trenerima GTA, koji su otpremani širom svijeta. Također je realiziran ugovor sa Ministarstvom unutrašnjih poslova kantona Sarajevo koji je MDDC dobio na javnom natječaju.

Selekciju i osnovnu obuku 14 pasa za otkrivanje eksploziva i narkotika, MDDC je za potrebe MUP kantona Sarajevo kompletirao u novembru 2005. a u toku 2005. obavljani su preliminarni dogovori za pružanje podrške Državnoj graničnoj službi Bosne i Hercegovine u obuci pasa za otkrivanje eksploziva i narkotika, čime bi se značajno poboljšali kapaciteti ovih državnih institucija.

5.2. Organizacija kurseva u MDDC

MDDC u prošloj godini ponudio zainteresovanima smještajne kapacitete za različite vrste obuke osoblja, što je realizirano i kroz smještaj i obuku žrtava mina koje djeluju u sklopu udruženja EKO SPORT GRUPA. U dva navrata, žrtve mina su prohadjale tečaj ronjenja na Boračkom jezeru u sklopu programa psihološke i fizičke rehabilitacije i bili su smješteni u MDDC.

Prilikom njihovog boravka, MDDC je organizirao i sat upozoravanja na mine u smislu otvaranja novih mogućnosti angažmana žrtava mina, koje se osjećaju fizički i psihički spremnima da se bave upozoravanjem na mine u svojim zajednicama, što je ocijenjeno vrlo pozitivnim i perspektivnim od strane donatora.

5.3. Selekcija pasa

MDDC je 2005. značajne rezultate postigao u odabiru kvalitetnih uzgajivača pasa diljem Europe. Treneri i operativno osoblje MDDC pravilnom selekcijom pasa koje će obučavati znatno su uticali na postignuti kvalitet. Prilikom selekcija pažnja je više usmjerena na motivaciju za rad, a manje na spol psa. Primarna selekcija i kriteriji ovisili su o namjeni pasa. Tako je kod selekcije za potrebe obuke pasa za otkrivanje mina u MDDC posebna pažnja polagana na motivaciju pasa za njušenjem, fizičku izdržljivost i izgled psa, zdravstveno stanje psa, volju za lopticom i fokusiranost. Kod odabira pasa za otkrivanje eksploziva, droge ili patrolnih pasa posebna pažnja posvećena je snalažljivost psa u zatvorenom prostoru i neke druge karakteristike.

MDDC je u 2005. naročit uspjeh postigao u selekciji pasa za potrebe MUP-a Sarajevo, projekt MLI i selekciji pasa za Global Training Academy.

6. MEĐUNARODNA SURADNJA I PROMOCIJA MDDC

MDDC je aktivno učestvovao na sastancima Koordinacionog tjela za protuminsko djelovanje Jugoistočne Evrope (SEEMAC) tokom cijele godine, predstavljajući svim centrima za deminiranje u regionu, napredak koji je postignut u oblasti obuke i upotrebe pasa za otkrivanje mina. Brojni pozitivni pomaci uočeni su u ovoj oblasti protivminske akcije, s čime su upoznati svi članovi SEEMACC-a. Rad MDDC podržan je na regionalnom nivou, što dokazuje i činjenica da su timovi MDDC-a uposleni u gotovo svim zemljama regiona, što je i osnovni cilj osnivanja centra.

Ministarstvo unutrašnjih poslova Republike Slovačke pozvalo je predstavnike MDDC da prisustvuju međunarodnoj konferenciji na temu *Policijska kinologija u Europskoj uniji s naglaskom na upotrebu pasa u borbi protiv terorizma*, tako da je MDDC početkom decembra 2005. rad i postignuća Centra imao priliku predstaviti u Slovačkoj, uz prisustvo brojnih vrhunskih škola za obuku službenih pasa, uglavnom policijskih.

MDDC je predstavio svoja postignuća u području borbe protiv međunarodnog terorizma, ali i upotrebe i obuke pasa za otkrivanje mina. Učesnici konferencije naročito su bili zainteresirani za aktivnosti MDDC u procesu obuke pasa i metodologije same obuke.

Centar su u 2005. posjetili brojni zvaničnici i poznate ličnosti, predstavnici ambasada SAD-a u regionu, predstavnici donatora Marshall Legacy Instituta i fondacije Laureus.

Značajni događaji vezani uz rad MDDC obilježeni su u glavnim novinskim kućama, dok je u jednom mjesečniku objavljen i tematski prilog o radu centra.

MDDC je 2005. redovito objavljivao svoje članke u Mine Action Journal u izdanju James Madison University.

7. UNAPRIJEĐENJE OPERATIVNIH KAPACITETA MDDC

Kako bi bio spreman odgovoriti na sve postavljene zahtjeve, Centar za obuku pasa za otkrivanje mina za region jugoistočne Evrope pružio je svojim trenerima /instruktorima tromjesečni napredni kurs za obuku policijskih pasa, patrolnih, pasa za otkrivanje eksploziva i narkotika. Obuka je započela u decembru 2005. u Global Training Academy u SAD, a završava u martu 2006. Obuku je financirao Global Training Academy.

MDDC će na taj način stvoriti vlastite kapacitete za obuku svih vrsta službenih pasa i biti u mogućnosti samostalno realizirati sve buduće projekte obuke i doobuke službenih pasa za potrebe različitih institucija i kompanija. Poboljšanjem vlastitih kapaciteta stvara se mogućnost i samoodrživog djelovanja MDDC, kroz obuku pasa u komercijalne svrhe, pored osnovne djelatnosti centra, a to je obuka pasa za otkrivanje mina.


2005. MDDC je pokrenuo inicijativu obuke osoblja centara za uklanjanje mina u regionu koji su zaduženi za kontrolu kvaliteta, naročito u oblasti testiranja i akreditacije timova pasa za otkrivanje mina. Na taj način, inspektori kontrole kvalitete stekli bi opširnija

znanja o radu i učinku pasa za otkrivanje mina na terenu, čime bi se znatno uticalo i na poboljšanje kvalitete deminiranja. Realizacija ove ideje očekuje se tokom 2006.

8. ZAKLJUČAK

U odnosu na planirane aktivnosti za 2005. MDDC je u potpunosti realizirao predviđeni plan, te ostvario još značajnije rezultate nego što je to bilo planirano. To se naročito ogleda kroz obuku pasa za otkrivanje mina i eksploziva, te pratećeg osoblja.

Kroz centar je prošlo više od 60 pasa, obučenih i nabavljenih u različite svrhe i za potrebe različitih institucija i nevladinih organizacija, ostavrujući značajne prihode u protekloj godini.



2005. je započet i projekt obuke pasa za otkrivanje eksplozive i produbljena je suradnja sa Global Training Academy u oblasti obuke pasa za otkivanje eksploziva.

MDDC se predstavio i na međunarodnom nivou kao jedan od značajnijih kapaciteta obuke službenih pasa.

Započeta je inicijativa poboljšanja kvalitete testiranja i upotrebe pasa na terenu, a proširen je angažman timova pasa za otkrivanje mina i na ostale zemlje u regionu zagađene minama, čime se ostavruje glavni cilj osnivanja centra a to je stvaranje i pružanje kapaciteta timova pasa za otkrivanje mina za potrebe svih zemalja regiona jugoistočne Europe.